

# Dürer

Fritzken saat lurig op dä Bank;  
Do sag dä Oma: "Büß du krank?  
Süß deist du nie so ruhig sitten,  
Nu rut domet: Wat deit die drücken?" -  
"Dösige Schole", sag dä Fritz dodrop,  
"Vie hät 'nen Opsatz op,  
Vie meit schriewen üöwer Dürer." -  
"Dürer?" freig dä Oma, "dürer?" -  
Alles wäd dürer:  
Brot, Fleesch un Wuoß,  
'ne Pulle Beer för'n Duoß,  
Piäpper un Solt,  
Buotter un Schmolt,  
Un ok Striekspöne för't Für,  
Dat alles es schon vürl te dür. -  
Van allen dürfen schönen Saken  
Kasse doch 'nen netten Opsatz maken."  
Fritzken folgen Omas Root  
Un mock dän Opsatz fuottens proot.  
As hä nu twee Dage drop ut dä Schole kom,  
Dä Oma dän Jungen an dä Siete nohm.  
"Nu?" freig sä, "met däm Opsatz alles glatt gegangen?"  
Do es dat Fritzken te stuttern angegangen:  
"Alles falsch! - - - Alles Quatsch!  
Alles Klara - ra - datsch!  
Dä Scholmester meinen dän Albrecht Dürer."  
"Wat", sag dä Oma, "Aldi wäd ok dürer?"  
Nu es ät öwer endgültig Schluß!  
Jetzt goffe noh Plus!"